

**“АВТОТЭЭВРИЙН ҮНДЭСНИЙ ТӨВ” ТӨҮГ-ЫН
2025 ОНЫ ЭХНИЙ ХАГАС ЖИЛИЙН ҮЙЛ АЖИЛЛАГААНД
ХЯНАЛТ-ШИНЖИЛГЭЭ, ҮНЭЛГЭЭ ХИЙСЭН АЖЛЫН ТАЙЛАН**

2025 оны 07 сарын 18

Улаанбаатар хот

Нэг. Хяналт шинжилгээ, үнэлгээний ажлын зорилго

“Автотээврийн үндэсний төв” ТӨҮГ /“АТҮТ”/ ТӨҮГ-ын үйл ажиллагаанд хяналт шинжилгээ хийж, үнэлэлт, дүгнэлт өгөх, цаашид анхаарч ажиллах асуудлын талаар санал, зөвлөмж боловсруулах замаар яамны удирдлага албан тушаалтныг холбогдох мэдээллээр хангах зорилгоор энэхүү хяналт-шинжилгээ, үнэлгээний ажлыг гүйцэтгэлээ.

Төлөвлөгөөнд тусгагдсан арга хэмжээнүүдийн хэрэгжилтийг дүгнэхдээ Засгийн газрын 2025 оны 43 дугаар тогтоолоор баталсан “Хяналт-шинжилгээ хийх журам”, “Үнэлгээ хийх журам”, “Байгууллагын үйл ажиллагаа, үр дүнг үнэлж дүгнэх журам”, Зам, тээврийн хөгжлийн сайдын 2021 оны А/87 дугаар тушаалаар баталсан “Зам, тээврийн хөгжлийн яам болон харьяа байгууллагуудын үйл ажиллагаанд хяналт-шинжилгээ, үнэлгээ хийх журам”-ыг үндэслэл болгосон.

Хоёр. Танилцуулга

“АТҮТ” ТӨҮГ-ын 2025 оны эхний хагас жилийн үйл ажиллагааг Гүйцэтгэлийн төлөвлөгөөний хэрэгжилт, Хууль тогтоомж, тогтоол шийдвэрийн биелэлт, Сайдын тушаалын биелэлт, Шилэн дансны хөтлөлтийн үнэлгээ, Ил тод байдлын үнэлгээ гэсэн 5 үзүүлэлтээр дүгнэсэн бөгөөд нэгдсэн дүнгээр 88.6%-тай байна.

Эдгээрийг тус тусад нь авч үзвэл:

2.1. “АТҮТ” ТӨҮГ-ын 2025 оны гүйцэтгэлийн төлөвлөгөөний эхний хагас жилийн хэрэгжилтийн байдлыг хүснэгтэд үзүүлэв.

Нийт	Үүнээс							Биелэлтийн хувь
	100%	90%	70%	50%	30%	0%	Үнэлээгүй Хугацаа болоогүй	
65	36	11	4	5	7	-	2	84.6%

2.2. Хууль тогтоомж, тогтоол шийдвэрийн хэрэгжилт:

Арга хэмжээний тоо	Хэрэгжилтийн явц зорилтот түвшин			Биелэлтийн хувь
	Хэрэгжсэн	Хэрэгжээгүй	Хугацаа болоогүй	
13	12	1	0	92.3%

2.3. Сайдын тушаалаар өгсөн үүрэг даалгаврын биелэлт:

Нийт заалт	Үүнээс				Биелэлтийн хувь
	Хэрэгжсэн	Хэрэгжээгүй	Хугацаа болоогүй	Хүчингүй болсон	
17	14	3	-	-	82.35%

2.4. Шилэн дансны хөтлөлтийн үнэлгээ:

Мэдээлэл	Нийт заалт	Үүнээс					Биелэлтийн хувь
		100%	70%	30%	0%	Хугацаа болоогүй	

Төсөв/гүйцэтгэл	9	8	-	1	-	92.2%
хөрөнгө оруулалт, тендер, худалдан авалт	5	5	-	-	-	100%
бусад	8	8	-	-		100%
Нийт	22	21	-	1	-	97.4%

2.5. Ил тод, нээлттэй байдлын шалгуур үзүүлэлтүүдийн үнэлгээ:

Хэсэг	Нийт арга хэмжээ	Үнэлгээ /хувиар/				Чиг үүрэгт хамаарахгүй	ХШҮ /Хувиар/
		100	70	30	0		
1	10	2	3	2	1	2	58.75
2	6	4	2	0	0	0	90.00
3	14	11	1	0	0	2	97.50
4	2	0	1	0	0	1	70.00
5	13	6	1	0	0	6	95.71
Нийт	45	23	8	2	1	11	85.88

ГУРАВ: Үнэлэлт, дүгнэлт

3.1. Төлөвлөлтийн байдал:

“АТҮТ” ТӨҮГ нь 2025 оны гүйцэтгэлийн төлөвлөгөөг боловсруулахдаа шалгуур үзүүлэлт, зорилтот түвшин, хэрэгжүүлэх хугацааг стратеги төлөвлөгөө, зорилтот түвшинг холбогдох эрх зүйн баримт бичигт нийцүүлсэн, салбарын хэмжээнд эрх зүйн орчинг боловсронгуй болгох болон Засгийн газар хоорондын хэлэлцээрийн хэрэгжилтийг хангах ажлыг зохион байгуулах чиглэлээр үүрэг хариуцлагыг нэмэгдүүлэн, оновчтой тодорхойлох.

Мөн Засгийн газрын 2025 оны 43 дугаар тогтоолоор “Хяналт-шинжилгээ хийх журам”, “Үнэлгээ хийх журам”, “Байгууллагын үйл ажиллагаа, үр дүнг үнэлж дүгнэх журам” шинэчлэн батлагдсантай холбоотой байгууллагуудын Гүйцэтгэлийн төлөвлөгөөний суурь болон зорилтот түвшинг тоо, хувиар илэрхийлж болохуйцаар шалгуур үзүүлэлтийг тодорхойлж, өөрчлөлт оруулах шаардлагатай байна.

3.2. Хэрэгжилтийн байдал:

1) “АТҮТ” ТӨҮГ-ын 2025 оны эхний хагас жилийн үйл ажиллагааг Гүйцэтгэлийн төлөвлөгөө, Хууль тогтоомж, тогтоол шийдвэр, Сайдын тушаалын хэрэгжилт, Шилэн дансны хөтлөлтийн үнэлгээ, Ил тод байдлын үнэлгээ гэсэн 5 үзүүлэлтээр дүгнэсэн бөгөөд нэгдсэн дүнгээр 88.6%-тай байна.

2) Гүйцэтгэлийн төлөвлөгөөний 65 арга хэмжээнээс 74.6% нь хүрэх түвшиндээ хүрсэн буюу хүрч байгаа, 25.4% нь төлөвлөсөн түвшиндээ хүрээгүй, 2 арга хэмжээг хэрэгжүүлэх хугацаа болоогүй байна.

3) Гүйцэтгэлийн төлөвлөгөөний хэрэгжилтийг зорилт бүрээр нь харуулбал:

№	Зорилтууд	Арга хэмжээн-ий тоо	Хэрэгжилтийн хувь
1	Зорилт 1. Автотээвэрлэлтийн хэмжээг нэмэгдүүлнэ.	12	69.16%
2	Зорилт 2. Тээврийн хэрэгслийн техникийн хяналтын үзлэгийн чанар, хүртээмжийг нэмэгдүүлэн, тээврийн хэрэгслийн бүртгэл хөтлөх үйл ажиллагааны хууль, эрх зүйн орчныг сайжруулна.	8	88.75%
3	Зорилт 3. Төр хувийн хэвшлийн түншлэлийн хүрээнд тээврийн дэд бүтцийг хөгжүүлнэ.	5	62%
4	Зорилт 4. Шинэ сэргэлтийн бодлогын эхний үе шатны төлөвлөгөөг хэрэгжүүлэх хүрээнд автотээврийн үйлчилгээг үе шаттайгаар цахим хэлбэрт шилжүүлнэ.	7	97.14%

5	Зорилт 5. Эрх зүйн болон хөгжлийн бодлогын баримт бичиг тушаал, шийдвэрийн хэрэгжилтийг хангаж, үйлчилгээний чанарыг дээшлүүлэх олон талт ажлыг зохион байгуулна.	12	91.66%
6	Зорилт 6. Хүний нөөцийн бодлого, төлөвлөлт, нийгмийн асуудал, сургалтын хэрэгцээг нарийвчлан тодорхойлж, ур чадвар олгоход чиглэгдсэн сургалтын хөтөлбөрийг боловсруулж, сургалтын агуулга, чанар, үр өгөөжийг дээшлүүлнэ.	6	96%
7	Зорилт 7. Улс хоорондын тээвэрлэлтийн эрх зүйн орчныг сайжруулах чиглэлээр олон улсын гэрээ хэлэлцээрийн хэрэгжилтийг ханган, хамтын ажиллагааг өргөжүүлнэ.	4	56.66%
8	Зорилт 8. Тээврийн хэрэгсэл эзэмшигч, иргэн хуулийн этгээдийн хариуцлагыг дээшлүүлж, хяналт шалгалтын ажлыг зохион байгуулна.	9	93.75%
9	Зорилт 9. Иргэн аж ахуйн нэгжид тохирлын үнэлгээ хийж, чанарын дэд бүтцийг бэхжүүлнэ.	2	100%

4/ Эхний хагас жилийн байдлаар улс хооронд **6627** тээврийн хэрэгслээр **121,465** зорчигч тээвэрлэсэн бөгөөд өмнөх оны мөн үетэй харьцуулахад **34%**-иар буурсан байна. Суудал ашиглалт дунджаар **49,2%**-тай байна. Хот хоорондын нийтийн тээврийн үйлчилгээгээр 30,519 тээврийн хэрэгслээр өссөн дүнгээр 692,940 зорчигч тээвэрлэсэн нь өмнөх оны мөн үетэй харьцуулахад 2.5%-ийн өсөлттэй байна. Суудал ашиглалт **74%**-тай байна.

Дөрөв. Санал, зөвлөмж

“АТҮТ”ТӨҮГ-ын 2025 оны үйл ажиллагаанд эхний хагас жилийн байдлаар хяналт шинжилгээ, үнэлгээ хийж, дараах санал, зөвлөмжийг гаргаж байна. Үүнд:

4.1. Улаанбаатар хотоос 21 аймаг, орон нутгаас Улаанбаатар хот чиглэлд хийгдэж байгаа ачаа тээвэрлэлтийг бүртгэлжүүлэх ажлыг зохион байгуулж, мэдээллийн сан бүрдүүлэх, Орон нутагт зорчигч тээврийн автобуудал байгуулах зорилт арга хэмжээг эрчимжүүлэн, гүйцэтгэлийн төлөвлөгөөнд туссан автотээврийн салбарын эрх зүйн баримт бичгийн төслийг бүрэн боловсруулж ажиллах;

4.2. БНХАУ-тай шинэчлэн байгуулсан хэлэлцээрийн хүрээнд дамжин өнгөрөх ачаа тээвэрлэлтийг эхлүүлэх, Олон улсын автотээвэрлэлт гүйцэтгэх тухай Засгийн газар хоорондын хэлэлцээрийн хэрэгжилтийг хангаж, гурван улсын хамтарсан хорооны уулзалтад оролцох зорилт арга хэмжээний хүрээнд байгууллагын үүрэг оролцоог тайлагнах, Улс хоорондын зорчигчийн тогтмол тээврийн үйлчилгээний суудал, ашиглалтыг нэмэгдүүлэх чиглэлээр судалж ажиллах;

4.3. Нийтийн мэдээллийн ил тод байдлын тухай хуулийн хэрэгжилтийг ханган, Засгийн газрын 2022 оны 201 дүгээр тогтоолын хавсралтаар баталсан "Нээлттэй мэдээллийг цахим хэлбэрээр байршуулж нийтлэх, шинэчлэх, хяналт тавих нийтлэг журам"-ыг тогтмол хэрэгжүүлж, компанийн үйл ажиллагааны талаарх мэдээллийг тогтмол шинэчлэн байршуулах;

4.4. Хяналт-шинжилгээ, үнэлгээний журамд өөрчлөлт орсонтой холбогдуулан Гүйцэтгэлийн төлөвлөгөөг шинэчлэн боловсруулж, батлуулахдаа арга хэмжээний суурь болон зорилтот түвшинг тоо, хувиар илэрхийлж болохуйцаар шалгуур үзүүлэлтийг тодорхойлж, улирал бүрээр хүрэх боломжтой, бодитойгоор төлөвлөн, хэрэгжилтийг бүрэн хангаж ажиллахыг тус тус зөвлөж байна.

